

D. M.

JOHANNIS FREKE ARMIGERI,  
Primogeniti Thomæ Freke equitis aurati;

Qui

Eximias virtutes mortui Patris,  
Adeò Suis ad vivum reddidit,  
Ac si cum Manneriis hæretitariis  
Paternos Mores induisset.

Neceffe fuit ut ad amiffim viveret,  
Qui tam nobilem benè vivendi fequutus Normam;  
Nec potuit lineas ducere non Rectiffimas,  
Cui tam pulchrum propositum eft Archetypon.

In primi Connubii delicias, duxit *Arundelliam*,  
*Georgii Trenchard* equitis aurati Filiam;  
Ex Quâ, *Georgium* genuit, & *Arundelliam*.

*Georgius* Dominam duxit *Abigalem*  
Filiam nobiliffimi comitis de *Bristol*;  
& fine Prole decessit.

*Arundellia* nupta eft *Johanni Penrudduck*,  
Hæredis *Johannis Penrudduck* equitis aurati  
& cum Prole, fine Marito, Relicta eft.

Hos ducum Ver brevè primi Connubii,  
Perpulchros Flôres malefide promiferat,  
Sed feracior Æftas fecundi  
Fructus præftitit uberiores.

Duxit igitur *Heroïnâ Janam Covertam*  
*Gualteri Covert* equitis aurati viduam,  
 Nec non *Johannis Shurley* equitis aurati Filiam.

Binos ex Illâ suscepit filios, *Johannem*, & *Thomam*  
 Totidemq; filias, *Elizabetham* & *Janam*.  
 Omnes animitùs tam Parentum mores,  
 Quàm formas extrinsecus præferentes.

*Elizabetha* nupta est *Richardo Brownloe* Armigero,  
 Filii & hæredis *Gulielmi Brownloe* equitis aurati,  
 Quæ foecunda puerperio (toties) in futurum  
 Splendidæ *Brownloadum* familiæ columnen,  
 Pulcram jampridem peperit  
 Propaginem.

Sic, sat felix in cæteris, *JOHANNES*  
 In hoc, felicitatis habuit Incrementum,  
 Quòd ex *Conjugio-Covertiano*, & numerofo  
 Sobolis Supplemento  
 Viçturam Sui memoriam,  
 Posteris reliquerit.

Et certè; procul absit assentatio;  
 Nemo pietatem conjugalem castiùs coluit,  
 Aut Religiosiùs expressit.  
 In Hac una nimirum *Domina*  
 Tot Excellentiæ redundârunt  
 Quot in cæteris omnibus, desiderantur.

Nec

Nec Pari successu caruit  
 Mutuus amoris Impetus;  
 Nullus enim Maritorum  
 Uxorem novit fideliores;  
 Nulla rursus feminarum  
 Chariores fassa est Maritum.

Et erat quidam Vir vel ob hoc unicè diligendus;  
 Nam si fas sit à Conchæ natura Gemmæ nitorem  
     In utrisque præcelluit: (conjicere,  
     Cui tot Dotes-Inquilinæ  
 In tam bello degebant domicilio,  
     Ut in ornatiore structurâ  
 Vix reperieris ornatoriam supellectilem.

Non in negotiorum versatus pelago, sed in ocii portu  
     Plerumque feriatum est,  
 Non magis auræ popularis contemptor  
 Quam seclusæ Pacis Indagator.

Ideò  
 Cum multas Ædes habuit alibi magnificentiores,  
     Ad omnium privatissimas secessit,  
 Ut non Ostentationis Spectaculum,  
 Sed Moderationis emeretur Exemplum.

Et licet Ruri plerumque vixerit  
     Nemo tamen audiit urbanior;  
 Nec alter erat, qui sibi melius latuit,  
 Aut Suis opportuniùs illuxit.

Commodo

Commodo nempe sæpissimè consuluit alieno  
 Cum Proprio nonnunquàm Detrimento ,  
 Incertum faciens ;  
 An pluris amicos pependerit ,  
 An plus expenderit pro amicis.

Summatim  
 Vacillantibus Propinquis, fulcrum fuit fidissimum;  
 Fidissimis Servis, Herus benevolus ;  
 Benevolis Liberis, Pater optimus ;  
 Optimis Conjugibus, indulgentissimus Maritus.

Sic eheu tandem ! vigentem  
 Importune fatis urgentibus,  
 Integrum quum vix Æstatis stadium confecerat  
 In Autumni limine,  
 Præreptus est,

Cœlo tamen admodum Maturus  
 Qui de more Manipuli-segitis à terris ideo demessus  
 Ut ab Angelis collectus, & asportatus  
 In Æternitatis horreo  
 Conderetur.

*In cujus Memoriam ,*  
 Ut mærorem testaretur quem mortuo debuit affini ,  
 Et observantiam quam Superstiti  
 Soliturus est Heroine,  
 P.F. hanc Epigraphen typis exaravit.



*Beatissimæ Memorie*

THOMÆ FREKE equitis aurati }  
Primogeniti } & { ELIZABETHÆ Conjugis ipsius  
Roberti Freke de Shrowton Armig. } { Unicæ Filix  
Johannis Taylor de Burton Armig.

RAIDOLFUS & GULIELMUS

Filii soli Superstites

Illis, hocce lugubri Marmore

Prout Spectatissimis mirandæ Pietatis,

& virtutis Exemplaribus,

Parentarunt.

M. DC. LV.

Hanc Ipsam Ædem in monumenti vicem supra Sepulchrum Patris,

Una cum Sacello Melcombix suis sumptibus extruxit ;

Et in devotissimæ Pietatis Symbolum

Cultui Supremi Numinis, utrumque consecravit.

Ad decem ( quas habuit ) Ecclesias Orthodoxos omnino viros

Benevole, nec non gratis admisit.

A majoribus relictum, prudenter, & honorifice  
administravit Patrimonium

Quod, nec decoxit, nec auxit, cum fuerint ambo

Magnificentissime Liberales,

Temperate Providentes.

Consulere patriæ, Virtutes accendere, Merentes remunerare

Studio fuit, & summis habebatur in deliciis :

Bis Vicecomes suæ Provinciæ Durotrigensium,

Annosque triginta, Militiæ Sub-Præfectus eminuit :

Et in singulis

Eam sedulitatem, prudentiam, Justitiamque jugiter expressit,

Ut gratulabundus Illi populus applausit, & meritissimum titulum

Patris Patriæ reportaverit.

Pacem quam Complexus est, Medullitus amavit ; exititque

Vicinis, Arbiter æquissimus,

Amicis, fidissimus Juriconsultus,

Orphanis, Tutelaris Custos & Curator.

Audiebant

Audiebant ambo  
Peregrinis admodum hospitales,  
Pauperibus benigni Dispensatores,  
Confanguineis Munifici parentes,  
In vita Charitatis seminantes spargentes  
Tam suis affinibus ac si *Liberis*  
Qui ex ipsorum lumbis prodiissent ;

Quibus, divinam Jus est Implorare Gratiam,  
Ut Ipsi tandem beneficiorum reminiscantur  
Et laudabilia tot Exemplaria  
studiosius æmulentur.

### Liberos habebant

*Johannem*  
Matrimonio junct.  
*Elizabetham*  
*Robertum*  
*Aliciam*

Arundellæ Trenchard,  
Janæ Heroinæ Covert.  
Georgio Horreo equit.aurat.  
Catharinæ Ewens.  
Georgio Hastings equit.aurat.

*Radolfum* : Ciceley Culpeper.  
*Thomam* : Mariæ Dodington.  
*Edmund* : Margaritæ Bartholmew  
*Janam* : Joanni Tregonwel Arm.  
*Gulielmum* : Franciscæ Culpeper.

*Elizabethâ, Thomâ, Anne,*  
In ætatis flosculo præreptis

Viderunt *Jerusalem* in summa prosperitate  
Per integros ætatis annos,  
Viderunt multiplicitam Liberorum Prolem,  
Pacemque super *Israëlem*.

Et sic tandem  
In gratissimo senectutis orio  
Ille anno Septuagesimo, 1633.  
Illa Septuagesimo quart. 1641.  
Animas sui Redemptoris Custodiæ,  
Corpora sub hoc Saxo sepelienda  
Commiserunt ;  
Ubi conquiescentes  
Secundum sui **SERVATORIS** adventum  
Præstolantur.

*Hoc Epitaphium qua potui fide (prout illos penes est qui strictos inter Translationum cancellos coercentur) Latinum reddidi, quod Gulielmus Freke sui sæculi delicia, prius Anglice politissime scripsit, & elegantissime concinnavit.*

ew  
m.  
er.